



Պարույր Սևակ

Հիմն քարանձավի

Մենք դուրս ենք եկել մութ քարանձավից
Միլիոն՝ն ու միլիոն՝ն տարիների առաջ:
Մենք դուրս ենք գալիս նո՛յն քարանձավից
Ամե՛ն ակնթարթ:
Նո՛յն քարանձավն է մեզ հետապնդում
Մեր ներսի՛ց արդեն:
Ու մեր երգածի կեսից ավելին
Նո՛յն քարանձավի արձագանքն է հենց:
Մնացած կեսով մենք հիմնն ենք երգում
Նո՛յն քարանձավի՝
Անեծքանման խոսքերով այն կույր,
Որոնց իմաստն ենք հասկանում այնքան,
Որքան պառավր՝ իր հմայական խառնակ խոսքերը,
Որքան երեխան՝ իր խառնիճադանջ շուտասելուկը...

11.XI.1965թ.

Չանախչի